

秘本
詳註

外科寶鑑

上海
自強書局發行



外科寶鑑卷中

宋臨川陳自明良甫編

明吳郡後學薛已校註

清吳江徐大椿靈胎批評

癰疽分表裡證論第二十三

伍氏曰。癰疽皆因喜怒不測。飲食不節。陰陽不調。臟腑不和。腠理不密。寒氣客於經絡。或榮血受寒。則滯而不行。衛氣從之。與寒相搏。壅遏不通。或陽氣蘊積。則生寒熱。寒熱不散。皆致前証。又曰。五臟六腑。俞穴皆在背。凡患瘡症。易傷臟膜。多致不救。腑氣浮。行於表。故癰腫浮高。為易治。臟血沉寒主裡。故疽腫內陷。為難治。又曰。癰者節也。癰者壅也。疽者沮也。一寸至二寸為癰。三寸至五寸為癰。五寸至一尺為疽。一尺至二尺為竟體疽。若脉洪數者難治。脉微濇者易治。初覺宜清熱拔毒。已潰則排膿。

旬
二十日為
旬
二十日為
旬

止痛膿盡則長肌敷痂。當酌量輕重。形証順逆而審治之。

愚按前症。若飲食少思。用六君子湯以補脾胃。如不應。加姜桂以溫補之。使邪氣自退。其不起者。由邪氣盛。正氣虛。不能發也。於旬日之外見之。若已發出。用託裏消毒散。以壯元氣。助令潰腐。不應。須溫補脾胃。其不起者。由真氣虛。不能潰也。於二旬之外見之。若已腐潰。用託裏散。以補氣血。生肌肉。不應當專補脾胃。又不應。須溫補脾胃。其不起者。乃脾氣虛。不能收斂也。於一月之外而見之。凡此治法。竊嘗用驗。詳具首論。

察疽發有內外之別第二十四

李氏云。疽初發一粒如麻豆。發熱腫高。熱痛色赤。此為外發勢。雖熾盛。治得其法。可保其生。若初時不發熱。體倦怠。患處如故。

數日不腫痛。內臟已壞。雖有盧扁之藥。亦末如之何矣。

愚按前症。有因元氣虛而不能發出者。有因敷貼寒藥而不能發出者。有因攻伐過傷氣血而不能發出者。凡有因熱毒內蘊而失踈托者。審而治之。多有生者。不可執一。見症用藥亦有生者。

附治驗

○進士申天益臂患癰。寒熱頭痛。形氣虛弱。此手足陽明經風邪之症。用桔梗升麻湯二劑。外邪頓散。用託裡消毒散二劑。腫痛頓退。乃用補中益氣湯調理。形氣漸復而愈。

○秋官錢可容腹患癰。焮腫作痛。煩渴飲冷。大便不通。脉沉數實。此熱毒蘊於內。用清熱消毒散加大黃二錢一劑。諸症悉退。但形氣頓虛。用託裡消毒散去金銀花白芷倍加參芪歸

术而安。

○一男子。股内患毒。欲求内消。其脉滑数。膿已成矣。因氣血虛而不潰。遂刺之。膿出作痛。以八珍湯治之。漸可。但膿水清稀。更以十全大補湯。加炮附子五分。數劑漸愈。乃去附子。又三。十餘劑而愈。

○一童子。腋下患癰。久不斂。膿清脉大。怠倦懶食。自汗口乾。用内補黃芪湯。及豆豉餅兩月而愈。凡瘡潰而膿清。或瘡口不合。或聚腫不潰。肌寒肉冷。自汗色脫者。皆氣血虛極也。非大溫補不可。

○一男子。肩患毒。焮痛。飲冷煩躁便秘。脉數而實。以清涼飲二劑少愈。以金銀花散四劑。悉退。又以十宣散。去桂加天花粉。金銀花數劑。瘡潰而痊。此脉與症皆屬有餘也。

○一男子背瘡潰而瘀血不散。此陽氣虛弱也。用參芪歸朮峻補。更以桑枝灸。又用託裡散加肉桂。瘡口自斂。此補接陽氣之法也。

○上舍毛體仁。素陰虛。春初咳嗽。胸中隱痛。腎脉洪數。肺脉數。而時不見。余曰。內當結癰。先用六味地黃丸。料一劑服之。翌早來謂余曰。昨得良劑。嗽愈六七。務求一方。到監調理。余曰。此陰火上炎。患癰之症。第因元氣虛弱。未能發出。因其易忽。余辭不能。乃別用降火化痰等劑。愈甚。月餘復請診之。脉洪滑而數。余曰。膿已成矣。當請常治者同議針之。且免內潰之患。仍不決。又月餘。請視他醫。已先開瘡孔。偏上。兜膿不出。仍內潰。脉愈洪大。余曰。脉洪滑而數。視其舌青黯。內臟已壞。無能為矣。後果然而歿。

辨癰疽陰陽淺深緩急治法第二十五

曾氏云。凡癰疽其脉浮數洪緊。腫焮作痛。身熱煩渴。飲食如常。此六腑不和。毒發於外。而為癰。其勢雖急。投以涼劑。多保全生。其脉沉細伏緊。初發甚微。或無瘡頭。身不熱。而內躁體重煩疼。情緒不樂。胸膈痞悶。飲食無味。此五臟不和。毒畜於內。而為疽。急投五香連翹湯。甚者轉毒散。神仙截法。黃礬丸。國老膏。防託毒氣。免致變症內攻。尤宜當頭隔蒜灸。若塗毒藥。迷其腠理。投諸涼藥。虛其真氣。故其善惡之症。在乎醫之工拙耳。或氣噎痞塞。咳逆身冷。自汗目瞪。耳聾恍惚驚悸。語言顛倒。皆惡症也。五善見三則瘥。七惡見四則危。五善併至則善。無以加。七惡併臻則惡之劇矣。

愚按前症善者。乃五臟未傷。病微邪淺。使能慎起居。節飲食。

勿藥自愈。惡者乃五臟虧損之症。前哲雖云不治。若能補其脾胃。固其根本。多有可生者。豈可以其惡而遂棄之耶。

附治驗

○鄰人蘇子遇之內。左手指患疔。麻痺寒熱惡心。左半體皆麻。脉數不時見。余曰。凡瘡不宜不痛。不可大痛。煩悶者不治。今作麻痺。尤其惡也。用奪命丹二服。不應。又用解毒之劑。麻痺始去。乃作腫痛。余曰。勢雖危。所喜作痛。但毒氣無從而泄。欲針之。適值望日。其家俱言。鬼神不從。勢愈腫甚。余強針之。諸症頓退。又用解毒之劑。其瘡全愈。

○辛丑孟夏。余至四明。有屠壽卿氏。當門齒忽如所擊。痛不可忍。脉洪大而弦。余曰。弦洪相搏。將發瘡毒也。先用清胃散。加白芷銀花連翹一劑。痛即止。至晚鼻上發一瘡。面腫黯痛。用

前藥加犀角一劑。腫至兩額。口出穢氣。脉益洪大。惡寒內熱。此毒熾。血瘀藥力不能敵也。乃數砭患處。出紫血。服犀角解毒之劑。翌日腫痛尤甚。又砭患處與唇上。并刺口內赤脉。各出毒血。再服前藥。至數劑而愈。

○一婦人背患流注。內潰脹痛。服流氣化痰之劑。自汗盜汗。脉大而弱。此元氣虧損之症也。與參芪各一兩。歸朮各五錢。肉桂二錢。服而針之。至夜半始出稀膿二碗許。翌日大汗倦甚。煩熱作渴。揚手氣促。脉洪大而數。仍用前藥。加附子一錢。炙甘草二錢。二劑脉症悉退。又以六君加薑桂二十餘劑。始離床褥。後因勞復。寒熱作渴。汗出。時仲冬。寢幃氣出如霧。用十全大補。加桂附二劑而痊。

○中翰鄭朝用。疽潰發熱。吐痰。飲食無味。肌肉不生。瘡出鮮血。

余曰。此脾氣虧損。不能攝血歸源也。法當補脾。彼不信。用消毒涼血之劑。加惡寒嘔吐。始悟余言。用六君加炮薑半夏茯苓數劑。諸症悉退。又用十全大補。瘡口漸斂。後因飲食稍多。泄瀉成痢。此脾胃虛寒下陷。用補中益氣。送四神丸而痢止。繼以六君子湯而瘡愈。

○一婦人癸卯冬失物發怒。缺盆內微腫。甲辰春大如覆碗。左肩胛亦腫。肉色如故。或針出鮮血三碗許。腹痛如錐。泄瀉不止。四肢逆冷。嘔吐惡寒。或時發熱。絕食已七日矣。其脉洪大。時或微細。此陽氣脫陷也。用六君加炮薑三錢。附子二錢。早服。至午不應。再劑。加附子五錢。熟睡覺來。諸症頓退。六七少進稀粥。再四劑。諸症悉退。飲食如故。缺盆始痛。針出清膿二碗許。諸症復至。此虛極也。以十全大補加薑桂附各一錢。三

劑而安。後減乾薑挂附各五分。與歸脾湯兼服五十餘劑而愈。

○一男子背瘡漫腫微痛。食少體倦。余曰。症屬形病俱虛。法當補元氣為主。彼不信。乃用攻毒之劑。中央肉黥五寸許。惡症悉具。復求治。余曰。此胃氣虛寒而變症作矣。當急溫補脾胃。則惡症自退。黥肉自生。仍不信。乃割死肉祛惡症。遂致不起。○毛礪菴側室。肚患癰月餘矣。色黥不腫。內痛作嘔。飲食不入。四肢逆冷。其脉或脫絕或浮大。雜用定痛敗毒之劑。余曰。此氣血俱虛而作痛。內決無膿。不治之症也。強用大溫補之藥。二劑痛止。色赤。飲食少進。余謂但可延日而已。人皆以為有膿。復強針之。又用大補之劑。始出清膿少許。衆仍以為毒結於內。用攻膿保其必生。殊不知乃速其死耳。惜哉。

論善惡形症第二十六

問曰。五善七惡。可得聞乎。曰。飲食如常。一善也。實熱而大小便
瀉。二善也。內外病相應。三善也。肌肉好惡分明。四善也。用藥如
所料。五善也。渴發而喘。眼角向鼻。大小便反滑。一惡也。氣綿綿
而脉濡。與病相反。二惡也。目不了了。睛明內陷。三惡也。未潰肉
黑而陷。四惡也。已潰青黑。腐筋骨黑。五惡也。發痰六惡也。嘔吐
七惡也。

愚按善惡形症治法見附錄

論生死形症第二十七

問曰。病有甚而至生。有微而至死。病症難辨。死生何從決乎。答
曰。發背潰透內膜者死。

此言肝
俞已上

未潰內陷。面青唇黑。便汚者死。

此言臟
壞

潰喉者不治。陰患入腹者不治。入囊者不治。鬚深數

寸者不治。在頤後一寸三分名銳毒。亦不治。無此者生。流注雖多。療之必愈。

愚按前症。有因元氣虛弱。而毒氣內陷者。有因初作。失於內疎託裡。和榮衛者。有因毒盛。失於消解者。有因虛弱。失於補託者。有因膿成。失於針刺者。有因腐潰。失於補養者。若發背。腦疽。屬濕熱上壅者。黃連消毒散。補中益氣湯。以除濕毒。補脾肺。滋腎水。若髮疽。銳毒。屬風熱者。柴胡山梔散。以清肝火。養肝血。若陰虛。用六味地黃丸。以生腎水。滋化源。若患於小腹。補足三陰之血。養脾胃之氣。庶可保其生也。其流注之症。或因飲食勞倦。房室陰虛。或七情內動。六淫外侵。以致血虛。互相凝滯。或產後血瘀。隨虛流注。或結塊。或漫腫。宜用益氣養榮湯。以固元氣。佐以葱熨。解散凝滯。更以豆豉餅。祛散寒

邪潰久內有瘀肉。用針頭散腐之。多有生者。設若不守禁調攝。多致不起。慎之。

形症逆順務在先明第二十八

論曰。癰疽潰後。形有逆有順。白睛黑小一惡也。不能下食。納藥而嘔。食不知味二惡也。傷痛渴甚三惡也。體項不便。四肢沉重四惡也。聲嘶色脫。唇鼻青黑。面目浮腫五惡也。煩躁時嗽。腹痛渴甚。瀉利無度。小便如淋六惡也。膿血大泄。腫痛尤甚。膿色敗臭七惡也。喘粗氣短。恍惚嗜卧八惡也。未潰黑陷。面青唇黑。便汚九惡也。氣噎痞塞。咳嗽身冷。自汗無時。目瞪耳聾。恍惚驚悸。語言顛倒。十惡也。又腦為諸陽所會。頸項近咽喉。腎俞皆致命之所。俱不可灼艾。

大便黑臟

愚按前症。未潰黑陷。面青唇黯。便汚者。臟腑內潰之惡症也。

肺已壞毒
內攻死症
也

臨症寫方
必須認真
審明而後
寫方不致
有悞是以
內外科者
書理症候
要明也

氣噫痞塞。咳嗽身冷自汗者。脾肺虛敗之惡症也。不食便瀉。腸鳴耳聾。目瞪者。脾腎虛敗。傳變之惡症也。治法詳見附錄。

審內症用藥附

自瀉嘔吐。不進飲食。腎脉最虛。如是之疾。古人皆以為不治。然亦有救療之理焉耳。

愚按前論發內經之微旨。開萬世之聾聵。其惠博矣。此症實命門火衰。不能生脾土。而虛寒以致自瀉嘔吐。或胸膈不利。或食而不化。或大便不實。宜用八味丸。及六君子。加薑附。若因房勞過度。真陽衰敗。或原稟不足。不能生脾土。而飲食不進者。用補中益氣。加附子薑桂。并東垣補真丸。多有得生者。若用參苓之類。直補脾胃。鮮有不誤。若或以為毒氣內攻而治者。俱致不起。

附治驗

○通府李廷儀患流注唾痰氣促自恃知醫用化痰理氣等劑半載而潰用託裡等劑膿水淋漓腫硬不消寒熱往來飲食少思肌肉消瘦大便不實手足時冷兩尺脉浮大按之微細余曰此屬命門火衰當用八味丸不信乃服參芪歸朮之類更加痰喘泄瀉服八味丸益氣湯年餘而痊

○御醫王介之室背疽不起發不焮赤泄瀉欲嘔飲食少思手足厥冷脉息如無此陽氣虛寒用大補之劑加附子二錢薑桂各一錢不應附子加至三錢二劑泄瀉愈甚又以附子一枚薑桂各三錢參芪歸朮各五錢作一劑腹內始熱嘔吐始止手足始溫脉息始復仍用大補加薑附四劑乃潰三十劑得愈六年後仍歿虛寒之症大尹陳國信素陰虛背患疽用

參芪大補而不斂。內熱發熱。舌燥唇裂。小便頻數。口乾飲湯。嘔吐瀉利。耳閉目盲。仰首眩暈。脉浮大而數。余曰。瘡口不斂。脾土敗也。舌燥唇裂。腎水枯也。小便頻數。肺氣衰也。內熱發熱。虛火上炎也。口乾飲湯。真寒之象也。嘔吐瀉利。真火衰敗也。耳閉目盲。肝木枯敗也。仰首眩暈。腎氣絕也。辭不治。後果歿。

○一男子患癰腫硬不潰。脉弱時嘔。彼欲用敗毒等藥。余謂腫硬不潰。乃陽氣虛弱。嘔吐少食。乃胃氣虛寒。法當溫補脾胃。大抵腫赤痛甚。煩躁脉實而嘔。為有餘。當下之。腫硬不潰。脉弱而嘔。為不足。當補之。若痛傷胃氣。或感寒邪。穢氣而嘔者。雖腫瘍。猶當助胃壯氣。彼不信。仍服攻伐之藥。而果歿。

發背治貴在早論第二十九